

REFERAT MIA - Meeqqanut, Ilaqutariinnut Atuartitaanermullu Ataatsimiititaq d. 19-05-2025

Mødedato Mandag d. 19. maj 2025 kl. 14:45

Mødested Teamsikkut ataatsimiinneq

Indholdsfortegnelse

Saqqaa.....	3
Oqaluuserisassat akuerineqarneri.....	4
Meeqqanut, Ilaqutariinnut Atuartitaanermullu Ataatsimiititami siulittaasumik siulittaasullu tullianik	5
Meeqqanut, Ilaqutariinnut Atuartitaanermullu Ataatsimiititap suleriaasissaa.....	8
2025-mi politikikkut ataatsimiiffissat.....	10
Imaqarniliap akuerineqarnera.....	13

Punkt .: Saqqaa

Ilaasortat:

Arnanguak Steenholdt (IA)

Ida Julie Andersen (IA)

Doris J. Jakobsen (S)

Laura Tãunajik Uitsatikitseq (S)

Poul Petersen (D)

Beslutning

Ataatsimeeqataasut:

Arnanguak Steenholdt (IA)

Ida Julie Andersen (IA)

Doris. J. Jensen (S)

Attaveqaatitigut peqataasut:

Poul Petersen(D)

Laura Taunãjik Uitsatikitseq (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarpoq.

Punkt 1: Meeqqanut, Ilaqutariinnut Atuartitaanermullu Ataatsimiititami siulittaasumik siulittaasullu tullianik qinersineq

Beslutning

Siulittaasutut toqqarneqarpoq: Poul Petersen (D)

Siulittaasut tullissaatut toqqarneqarpoq: Arnanguak Steenholdt (S)

Meeqqanut, Ilaqutariinnut Atuartitaanermullu Ataatsimiititami siulittaasumik siulittaasullu tullianik qinersineq

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit allatseqarfiannit Meeqqanut, Ilaqutariinnut Atuartitaanermullu Ataatsimiititamut inassuteqaatigineqarpoq:

1. ataatsimiititaq siulittaasumik qinersissasoq
2. ataatsimiititaq siulittaasup tullianik qinersissasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersumi § 27 naapertorlugu, ataatsimiititap ataavartup Kommunalbestyrelsimit ivertinneqartup siulittaasussani nammineq qinissavaa. Siulittaasup ataatsimiinnissat piareersassavai, ataatsimiigiaqqusissaaq ataatsimiinnerillu aqussallugit kiisalu aalajangiinerit imaqarniliamut allanneqarnissaat qulakkiissallugu.

Meeqqanut, Ilaqutariinnut Atuartitaanermullu Ataatsimiititami suleriaasissami § 2 naapertorlugu ataatsimiititami aamma siulittaasup tullianik qinersisoqarsinnaavoq. Siulittaasup tullia siulittaasup peqannginnerani siulittaasuugallassaaq.

Siulittaasup ataatsimiititaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiliornikkut ataatsimiititamut suliassanngortitaasimanngitsuni kinguartinneqarsinnaanngitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni, tak. aqutsinermut inatsimmi § 27, imm. 2.

Ataatsimiititami ataavartumi ilaasortaq kinaluunniit siulittaasup atuuffianut tunngasumik sumilluunniit apeqquteqarsinnaavoq, siulittaasorlu ataatsimiititap ataavartup piumasaqaataanut tunngasumik paasissutissiissaaq. Siulittaasoq sutigut tamatigut ataatsimiititap aalajangiinerinut maleruuttussaavoq.

Meeqqanut, Ilaqutariinnut Atuartitaanermullu Ataatsimiititap suliassai aqutsinermi ileqqoreqqusat naapertorlugit aalajangersarneqassapput.

Ataatsimiititanut ataavartunut ilaasortanik qinersineq Kommunalbestyrelsip piffissami atuunneranut sunnuteqassaaq.

Siulittaasumik siulittaasullu tullianik toqqarneqartut kommunip nittartagaani saqqummiunneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommuneqarfik Sermersuumi Kommunalbestyrelsimut Aqutsinermut Ileqqoreqqusaq
- Meeqqanut, Ilaqutariinnut Atuartitaanermullu Ataatsimiititap nakkutilliisuuffigisassai

Ilangussat

Soqanngilaq.

Punkt 2: Meeqqanut, Ilaqutariinnut Atuartitaanermullu Ataatsimiititap suleriaasissaa

Beslutning

Inassuteqaat akuersissutigineqarpoq.

Bilag

Suleriaasissatut siunnersuut

Meeqqanut, Ilaqutariinnut Atuartitaanermullu Ataatsimiititap suleriaasissaa

Aalajangiiffigisassaq

SagsID: EMN-2024-03409

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfianit Meeqqanut, Ilaqutariinnut Atuartitaanermullu Ataatsimiititamut

1. Suleriaasissaq akuersissutigineqassasoq
2. suliaq Aningaasaqarnermut Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq § 28 imm 2. naapertorlugu ataatsimiititap suleriaasissani nammineq aalajangersassavaa.

Utoqqarnut Isumassuinernullu Ataatsimiititap suleriaasissaa naapertorlugu makku aalajangersarneqarput:

- Ataatsimiititap sulinera
- Ataatsimiititaliap ataatsimiittarnissai
- Oqaluuserisassat suliallu saqqummiunneqarneri
- Aalajangiisinnaatitaaneq, ataatsimiinnermik aqutsineq suliallu saqqummiunneqartarnerat.
- Aalajangernerit pillugit imaqarniliaq
- Nipangiussisussaataaneq
- Ataatsimiititap aalajangernerinik suliaqarneq piginnaatitaaffinnillu agguaassineq
- Suleriaasissami allannguutit
- Atuutilersitsineq

Meeqqanut, Ilaqutariinnut Atuartitaanermullu Ataatsimiititap suleriaasissani akuersissutigippagu, 2025-mi maajip ulluisa aappaanni atuutilissaaq. Suleriaasissaq akuersissutigineqareerpat atsiorneqareerpallu Naalakkersuisunut nassiunneqassaaq, aqutsinermut inatsimmi § 1, imm. 4. innersuussutigalugu.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Suleriaasissatut siunnersuut

Punkt 3: 2025-mi politikikkut ataatsimiiffissat

Beslutning

Inassuteqaat akuersissutigineqarpoq

Bilag

2025-mi politikikkut ataatsimiiffissatut siunnersuutit

2025-mi politikikkut ataatsimiiffissat

Aalajangiiffigisassaq

SagsID: EMN-2024-03409

Pisortaqaatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqaatigiit Allatseqarfiannit Meeqqanut, Ilaqutariinnut Atuartitaanermullu Ataatsimiititamat inassuteqaatigineqarpoq:

1. ataatsimiititap 2025-mi ataatsimiiffissai akuerineqassasut

Suliassamik saqqummiussineq

Aqutsinermik inatsimmi § 8-mi allassimavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut

tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqarnissaannut kommunalbestyrelse pisussaavoq.

Imm. 2. Ukiuni kommunalbestyrelsimut nutaamik qinersiffiusussani ileqquusumik ataatsimiinnissat ullussaat aalajangersarneqartassapput taamaallaat qaammatip kommunalbestyrelsip atuuttup tunuarfissaata naaneranut. Kommunalbestyrelsip qinigaarlaap inissitsiterluni ataatsimiinnermini ukiup sinnerani ileqquusumik ataatsimiittarnissat ullussaat aalajangersassavai.

2025-mi politikikkut ataatsimiiffissat 2025-mi maaji aallarnerfigalugu ukiup sinneranut atuupput.

Meeqqanut, Ilaqutariinnut Atuartitaanermullu Ataatsimiititami ataatsimiittarnerit ataasinngornikkut nal. 16.00 ingerlanneqartassasut siunnersuutigineqarpoq. 2025-p sinnerani ataatsimiititaq arfinileriarluni ileqquusumik ataatsimiisaaq.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Tamatuma saniatigut politikikkut ataatsimiiffissat kommuneqarfiup allaffianni aamma nunaqarfinni kommuneqarfiup allaffianni pissarsiarineqarsinnaassapput.

2025-mi politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Missingersuusiornermut Naatsorsuusiornermullu Immikkoortortamit aningaasatigut naliliineq

Naatsorsuusiornermut Missingersuusiornermullu Immikkoortoqarfimmit oqaaseqaateqartitsisoqanngilaq, ullulli ataatsimiiffissat aalajangersarniarneqarnerini, naatsorsuutit akuersissutigineqarnissaannut, missingersuusiornermut il.il. naapertuussinnaaqqullugit, peqataatinneqarsimavoq.

Inatsisitigut tunngavissaq allakkallu tunngaviusumik uppersaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilangussat

1. 2025-mi politikikkut ataatsimiiffissatut siunnersuutit

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq.